

ITALIA.

489

scendum est. Ad reliqua pergo. Vrbes habet Italia egregias, florentes, opulentas: Opida clara, famosa, Civibus aucta: Pagos magnos, Aedificiisque Nobilium & Prætoriiis superbientes. Sed non abs re fuerit audire de celeberrimis Italiae urbibus iudicium Thomæ Edwardi Angli.

Sancta est Sanctorum pretioso sanguine ROMA.
Cingitur Urbs VENETVM pelago ditissima nummis.
Inclita PARTHENOPE gignit Comitesque Ducesque.
Est MEDIOLANVM jucundum, nobile, magnum.
Excellit studii fecunda BONONIA cunctis.
Splendida solertes nutrit FLORENTIA cives.
GENVA habet Portum mercesque domosque superbas.
Exhaurit loculos FERRARIA Ferrea plenos,
VERONA humana dat singula commoda vite.
Extollit PADVAM Juris studium & Medicina.
Illustrat patria SENAS facundia lingue.
Maxima pars hominum clamat, miseram esse CREMONAM.
MANTVA gaudet aquis ortu decorata MARONIS.
Vina VTINI varias generosa vehuntur ad Urbes.
BRIXIA dives opum parce succurrit egenis.
Italicos versus præfert PAPIA Latinis.
Libera LVCA tremat ducibus vicina duobus.
Flent PISÆ amissum dum contemplantur honorem.
Commendant PARMAM Lac, Casus atque Butyrum.
Non caret Hospitiis perpulcra PLACENTIA caris.
TAVRINVM exornant virtus, Pietasque fidesque.
Militibus validis studiosa PERVSIA claret.
VERCELLÆ lucro non delectantur iniquo.
Mordicus Urbs MVTINÆ raras tenet esse salubres.
Contemnuunt omnes ANCONÆ mœnia Turcas.

ppp ij

Libus